

Traditiones Wizenburgenses (Ed. Glöckner) Nr. 239=218

Venerabili in Christo patri Ratfrido abbati de Wizenburgo monasterio, ego Ermenbertus, filius Gundoino quondam, venditus. Contstat me tibi vendidisse, et ita vendidi de facultates meas in pago Saroinse vel Saloninse, hoc est in villare super fluvio Biberacha, qui vocatur Ermenberto villare, et in alio loco super fluvio Sara, qui vocatur Emmeno villa. Simus ad Alta Petra, quih vocatur Emmenune villa, [et] super fluvio Cernune ad lohanne villare; et simus ad Audoinovilla super Cernune. Omnes porciones meas in suprascripta loca ad integrum, hoc est mansis edificiis mancipiis ibidem commanentibus cum peculiare eorum, campis casis pratis silvis pascuis cultis et incultis aquis aquarumque decursibus, sicut supra diximus, in suprascripta loca, quicquid ibidem presenti tempore uisus sum tenuisse, ad integrum [tradidi tibi coram testibus]. Unde accepi a te de rem sancto Petro solidus probus adque pensantis numero CCCCC quingentis. Propterea hanc vendicionem fieri rogavi tibi, ut tam tu quam pars ipsius monasterio Wizenburgo ab hac die habendi tenendi vendendi commutandi suisque successoribus relinquendi, vel quicquid exinde eligeritis faciendi, liberam et firmissimam in omnibus habeatis potestatem. Et si quis vero, quod fieri non credo, quod ego ipse aut aliquis de heredibus meis aut coheredibus meis vel quislibet opposita persona contra hanc vendicionem venire temtaverit aut inrumpere voluerit, inferat tibi vel partem ipsius monasterio Wizenburgo sociante fisco tantum et aliud tantum, vel quantum a te accepi, et quod repetit, non valeat evindicare. Et ut hec vendicio omni tempore firma permaneat, stipulacione subnixa. Actum publice in villa Remunevillare datus sub die kalendas ianuaras, anno quarto regni domni nostri Dagoberto rege. Ego Ermenbertus, filius Gundoino quondam, venditus, hanc vendicionem a me factam relege. Testes: Weraldus. Welando. Chardoino centenario. Bonefacio. Ottone. Martino. Theudone. Charciano. Ebroino. Dructemundo. Presentino. Erloino . Gauciberto. Ego Chrodoinus notarius hanc vendicionem scripsi et subscripsi.